



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

151. Das Domcapitel zu Köln a. d. S. verpflichtet sich dem Kurfürsten
Joachim und seinem Bruder Markgraf Albrecht wegen einer von ihnen
gemachten Meßstiftung, am 14. Dezember 1506.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

151. Das Domcapitel zu Köln a. d. S. verpflichtet sich dem Kurfürsten Joachim und seinem Bruder Markgraf Albrecht wegen einer von ihnen gemachten Meßstiftung, am 14. Dezember 1506.

Wir Petrus Schonermarck, Dechant, Thomas krul, Tefaurarius, vnd gantze Capittel sant Erasmus kirchen, Im Schlosz zw Coln an der Sprewe, Bekennen etc., Als die Durchluchten Hochgeborn Fursten vnd Herrn, Herr Joachim, Churfurst etc., vnd Herr Albrecht, gebruder, Marggraffen zw Brandenburg etc., dem Almechtigen got, seiner heiligen Mutter, der Werden Junckfrawen Marien, allen Heiligen zu lob, eren vnnnd wirdikeit, Irer furstlichen gnaden vorfaren, Irer gnaden vnnnd Irer gnaden nachkommen zu trost vnnnd felickeit Irer selen, bei vnns In vnser kirchen gestiftt vnnnd verordent haben, zusambt dem Sangmeister vnnnd korschuleren nu forder alle mitwoch nach dem Completorio die Lobliche Anthiphona Melchisedech rex etc. mit aufztragung des heiligen Sacramentts vnfers Herrn Jesu Christi vor dem hohen Altar sal gefurgen vnnnd mit dem versikel vnd der Collecten de Corpore Cristi beschloffen werden, deszgeleich an folgenden Donnerstag die hoemessen von dem heyligen Ambt Corporis Cristi In vnfern oder vnfer officianten beywesen andechtiglich haltten vnd syngen zw lassen, so ferne nicht eyn feyerlich vnnnd hochfest das verhindern; wo das geschee, so sal man nicht destweniger solche meß vor vnser lieben frawen Meß, so bey vns gestiftt, syngen vnnnd haltten, aufzgenommen In der Martterwochen, Oster vnd pfingstwochen, auch die vyr oppferfest, wo die auff den Donnerstag fallen, mogen wir die meß de Corpore cristi alsdann vnterlassen, dagegen vnd widderumb haben Ir fürstlich gnaden vor sich, Ir erben vnnnd nachkommen vorschriben, vns oder vnfern nachkommen Hundert gulden an gutter muntz uff frist, wie Ir genadt vns zugesagt, ane alle eynrede vnd vorzogerung, Inhalt des schultbriues, zu entrichten, die wir In Irer fürstlichen gnaden Landen nach vnserm willen anlegen vnd genießten mogen. Auch haben sich Ir fürstlich gnadt vor sich, Ir erben vnd nachkommen vorpfflicht, dem Sanckmeister, Chorshulern, kuster vnd Iren nachkommen alle Jar gein den Wintter zw ewigen Zeitten yglichem eynen zweyfachtigen langen Rock one alle vorzogerung, eynrede vnd behelf geben zu lassen, In massen auch Irer gnaden vorfharen vnd Ir gnaden Inen byßher ye zw zeitten aufz gnaden gegeben haben, das wir solch Stiftung angenommen vnd vor vns vnd vnser nachkomen vorpfflicht vnd zugesagt haben, vnd nehmen die an — getrewlich vnd vngeuerlich. Zu vrkunt etc. Actum Coln an der Sprewe, am Montag nach Lucie MDVI.

Aus dem Churmärkischen Lehnserialbuche.